



UNIVERSITÄTS-
BIBLIOTHEK
PADERBORN

Variorum In Europa Itinerum Deliciae

Chyträus, Nathan

[Herborn], 1599

VD16 C 2803

Ravennatia. In Ravennam J. Cæs. Scaliger.

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)

simæ viventi, & sibi fecit. Vixit pater annos LXXI. & obiit
anno M. D. XI.

Locus decreto Collegii sacerdotum datus,
Senatu Populoq; Mutinensi procurante.
Huic monumento præter tres hosce inferatur nemo.



RAVENNATIA.

IN RAVENNAM J. CÆS.

SCALIGER.

Prima per Æmathias quondam vetus edita silvas
Adriacum secuit Thessala prora sinum:
Desertumq; solum, tristiq; informe palude
Muniit: atq; urbis nomen habere dedit.
Hac belli sedes, gelido cum miles ab axe
Proruit, & Grajos expulit inde duces.
Hinc sedet Illyrica prospectans praelia Nerei:
Ionius reduci cum tumet astus aqua.
Hinc oculus superiq; maris, terraq; jacentis
Excubat: hinc duris utraq; meta viris.
Si jungas solida liquentia marmora terra:
In medio tanquam cor metuenda jacet.

INSCRIPTIONES

RAVENNÆ.

AD SEBASTIANI.

Ante portam templi S. Vitalis.

Ἐνταῦθα κείται ὁ στρατηγὸς καλῶς,
Ῥωμὴν τε φυλάξας ἀβλαβῆ, καὶ τῶν δύσιν
Τεῖς ἕξ ἑνιαυτοῖς τοῖς γαλήνοι * δεσπότης
Ἰσαάκισ τῶν βασιλέων ὁ σύμμαχος.
Ὁ τῆς ἀπάσης ἀρμενίας κόσμος μέγας.
Ἄρμενισ ἦν γὰρ ἔτ' ἐκ λαμπρῆ γένεσ.

Τὸν

Τέτρα θανόντος Δικλεῶς ὁ σύμβουλος
 Σωσάννα σώφρων τρύχον σεμνῆς τρόπου
 Πυκνῶς σενάξει ἀνδρὸς ἐσερημένη.
 Ἄνδρὸς λαχόντος ἐκ χαμάτων διδοξία
 Ἐν ταῖς ἀγαθολαῖς ἠλίε, καὶ τῇ δύσει.
 Στρατῆ γὰρ ἦρξε τῆς δύσεως καὶ τῆς ἐσῆς.

PORTÆ MARMOREÆ
versus mare.

CLAUDIUS SEVERUS CÆSAR AUGUST.
 Germanic. Pont. Max. T. R. Pot. II. Cos. desig.
 III. Imp. PP. dedit.

A RAVENNA DUOBUS VEL TRIBUS MILIARI-
 bus est columna saxea, cui insculpta sunt sequentia.

In latere, quod respicit Ariminum.

Heu cladem horrendam! hęc ille percelebris ager est,
 viator, in quo acerrimē utrinque pugnantes viginti penē
 hominum millia conciderunt.

Inferius ibidem hoc distichon.

Hac petra Petrus donat Donatus Iberos,
 Gallosq; hęc casos, Cæsius hac memorans.

Versus Ravennam.

Reiectus ab oppidanis amnem illac trajicit, acies in-
 structas huc ducit, cum prorege Hispano, Pontificioq;
 exercitu, indicto bello confligit.

Paulo inferius.

Paulo IIII. Pont. Max. sedente.

P. Donatus Cæsius Episc. Narnutriusq; Signaturæ re-
 ferendarius, dum Æmiliæ præsideret, locumq; hunc con-
 flictus, Ravennatis celebritate clarum diligenter exploraf-
 set; ne tantæ rei memoriam vetustas temporum aboleret,
 hoc erecto marmore conservandum curavit.

Versus flumen.

Heus viator, illic trans flumen castra metatus OLGA-

N ij

STUS FOISSEIUS Gallorum Ductor Ravennam oppugnat, murum aperit tormentis, & conatur irumpere.

Senarii infrá scripti.

*Videbis hospes huc parum at tollens caput,
Inscriptus iste quid velit lapis sibi.
Recenset illam nempe cladem maximam
Galli atq; Iberi exercitus Æmilliam,
Qua pené totam maculavit sanguine.*

In quarto latere versús Forum Livii.

Hinc post cruentam Gallorum victoriam GASTONBERG perempto, Hispanorum reliquiae evaserunt. Postremo capitur Ravenna á victoribus, ac diripitur. Abi.

Inferiús.

Gesta fuerunt hæc prid. Id. April. anno á partu Virg. supra sesquimillesimum duodecimo. Jul. 11. Pontif. Max. Christianam Rempub. gubernante.

AD SEBASTIANI.

Vas hoc Porphyriacum olim Theodorici Gothorum Imp. cineres in rotundo apice recondens, sub Petro Donato Cæsio Narniensi Præsule Raven. tralatum, ad perennem memoriam sapientes Reip. Ravennatis P. C. C. 1564.

IN IMAGINEM MORTIS.

*Excipit innumeros hominum brevis hora labores,
Et redit in cineres vita caduca leves.*

PHOENIX AVIS.

*Securus moritur, qui scit se morte renasci;
Mors ea nec dici, sed nova vita potest.*

PELICANUS.

*Magnus amor, permagna fides, quam maxima virtus,
Alterius vitam morte parare sua.*

DANTIS.

*Jura Monarchia, superos, Phlegethonta, lacusq;
Lustram*

*Lustrando cecini, voluerunt fata quousq;
Sed quia pars cessit melioribus hospita castris,
Auctoremq; suum petiit felicior astris,
Hic claudor Dantes patriis extorris ab oris,
Quem genuit parui Florentia mater amoris.*

VIRTUTI ET HONORI.

*Exigua tumuli Dantes hic sorte jacebas,
Squalenti nulli cognite parè situ.
At nunc marmoreo subnixus conderis arcu,
Omnibus & cultu splendidiore nites.
Nimirum Bembus Musis incensus Hetruscis
Hoc tibi, quem inprimis ha coluere, dedit.*

Anno sal. 1483. 6. Kal. Jul. Bernard.
Bembus prætor ære suo P.

ALIUD.

Alexandro Trabero, nat. Suevo, Equ. Cæsareæ militiæ & Pontificis in Provincia Flaminia duci solertissimo, qui per annos 40. virtute avita, generis antiquitate & prudentia, Regum Principumq; in Italia & Germania indefesso studio castra secutus est, cum laude victoriæ signa reportans, fato Ravennæ extinctus, hic summo mœrore, sexagenario major, deponitur. Tota cohors Germanica officii ergo B.M.F.C. M. D. XII. XII. Cal. Jan.

TVMVLVS

P. NUM. CAR.

*Linguam habui Charitum, cor Palladis, ora Diones.
Non perii, mors est splendida vita bonis.*

AD VITALIS.

Jac. Arigonius heic situs est. Hominem mors exstinxit anno ætat. suæ 53. sed exstinxit uno in homine multas virtuteis: artis medicæ scientiam eximiam; perpetuam in omni vita continentiam; denique pietatem in Deum, humanitatem in omnes homines mirificam; quæ sublata ex oculis vigeant in animis memoriaq; multorum Jo. Arigonius nepos ac Medicus P. &c.

Propagatori Rom. Imperii: Fundatori quietis pub. D.
Fl. Constantino, Max. Victori. semper Aug. divi Claudii
Nepoti: Divi Constantini F. Sertorius Silanus v. P. Præ-
positus Fabricæ devotiss. N. M. R. E.



LORETANA.

TEMPLI PORTÆ IN-
SCRIPTUM LEGITUR:

INtrantes cum armis, excommunicati sunt.

IBIDEM.

*Hæc est sancta domus, tenuit quam virgo Maria,
Cum puero Jesu pauper in orbe manens.
Hæc est sancta domus, lustrat quam virgo Maria,
In calo residens, gloria magna Deo.
Felices illi queis tantum visere templum
Contigit, & gratias obtinere Dei.
Vos ergo pueri Christum, vos lata juventus
Ducite, cantantes carmina lata, choros.*

ITEM.

Hoc est sacellum, quod Mariæ matris Dei cubiculum
fuit, ex Asia per immensum mare angelorū opera in Eu-
ropam tralatum: in quo & nata Maria, & educata ad an-
num xii. cæleste in eo accepit nuncium, atque ex Deo
concepit.

Ferdin. Rom. Ung. Bohem. rex, Arch. Auftr. ex voto pro
salute, & in memoriam dulcissimæ conjugis Annæ, hanc
ejus argenteam effigiem D. Mariæ virgini dedit consecra-
vitq;. ☉. Anno sal. 1547. d. 27. Jan. æt. 43. m. 7. d. 5.

ANCO.